

# JAVNA USTANOVA CENTAR ZA KULTURU

«AHMED MURADBEGOVIĆ»  
NENAVIŠTE br.12  
76250 GRADAČAC, BIH  
E-mail: radiogra@bih.net.ba  
E-mail: juczkgradacac@bih.net.ba

JIB: 4209340770006  
PDV: nije u sistemu  
T./FAX: 035/817-427  
TEL: 035/817-425

Knjig: 035/817-724

ŽIRORAČUN: 132-190-03094576-08 NLB BANKA

Broj protokola: 01-066/25

Datum: 21.04.2025 god.

Bosna i Hercegovina  
Federacija Bosne i Hercegovine  
Tuzlanski kanton  
GRAD GRADAC  
Gradska služba za opću upravu,  
informatiku i inspekciju poslova

Gradska Uprava grada Gradačac

- Služba za opću upravu, društvene djelatnosti i BIZ

Predmet: Dostava dokumenata sa sjednice Upravnog odbora JU

Poštovani,

Dostavljamo Vam dokumenta sa sjednice Upravnog odbora odžane dana 18.04.2025 godine.

U prilogu;

- Izvještaj o radu JU Centar za kulturu „Ahmed Muradbegović“ za 2024 godinu
- Račun rashoda i prihoda za 2024 godinu
- Odluku o neusvajanju Izvještaja o radu i Finansijski izvještaj o poslovanju JU Centar za kulturu „Ahmed Muradbegović“ za 2024 godinu.

S poštovanjem.

JU Centar za kulturu „Ahmed Muradbegović“



*Nadira Duraković*  
Direktorica: Nadira Duraković

**Javna ustanova Centar za kulturu**  
**«Ahmed Muradbegović»**  
**G r a d a č a c**

**PRIMLJENO**  
Dana 11. 04. 2025 god.  
JU Centar za kulturu "Ahmed Muradbegović"  
GRADACAC  
Broj protokola: 01-054/25

**IZVJEŠTAJ O RADU JAVNE USTANOVE**  
**DO 31.12.2024. GODINU**

**Gradačac, april 2025. godine**

## Uvodni dio

Javna ustanova je svoj zvanični naziv dobila odlukom o osnivanju Općinskog vijeća od avgusta 1995. godine, kada su usvojena Pravila ustanove kao osnovni pravni akt.

Adresa ustanove je Nenavište br.12, telefon 035 817 427, 035 817 425 i 035 817 724.

Web stanica je [www.ckahmedmuradbegovic.ba](http://www.ckahmedmuradbegovic.ba), [www.radiogradacac.ba](http://www.radiogradacac.ba), e-mail adresa [juck@bih.net.ba](mailto:juck@bih.net.ba) i [radiogra@bih.net.ba](mailto:radiogra@bih.net.ba).

Djelatnost ustanove je informisanje i organizacija kulturnih događaja, a u okviru Ustanove nema izdvojenih radnih jedinica.

Upravni odbor, koji broji tri člana imenovan je 28.09.2021.godine u sastavu: Delis Skenderović, predsjednik, Adisa Pašalić i Dževad Pašalić, članovi sa održane sjednice Upravnog odbora. Delis Skenderović podnosi ostavku na mjesto predsjednika UO radi zapošljavanja u MUP a na njegovo mjesto dolazi Azra Okanović kao predsjednica UO koja je imenovana 14.09.2022 godine po Rješenju broj 01-04-280-/22 od Gradskog vijeća. Održano je četiri ( 4 ) sjednice UO do 31.12. 2024.godine.

Privremeni UO JU Centar za kulturu, Gradačac imenovan je 27.12.2024. u sastavu Adnan Peštalić predsjednik, Nermin Mujčin član i Maida Pezerović, član.

Ukupan broj uposlenih je 13 (trinaest). U 2023. godini smo zaposlili kinooperatera koji upravlja modernizacijom i digitalizacijom opreme u kinu koja je dobijena na projektu Kinematografije Sarajevo, jedna zaposlenica se vratila sa dužeg bolovanja i nemogućnosti obavljanja prijašnjih poslova obezbjedilo se je novo radno mjesto Pomoćni radnik u kinu. Jednu zaposlenicu već treću godinu zapošljavamo putem Ministarstva za boračka pitanja TK-a.

Djelatnost kulture se očituje kroz organizaciju raznih oblika kulturnih događaja i manifestacija iz domena likovne umjetnosti, pozorišta, filma, književnosti, muzike, a kao poseban dio ustanove egzistira izuzetno bogata Zavičajna muzejska zbirka sa velikim brojem eksponata, kao oblik zaštite i prezentacije kulturno-historijskog nasljeđa grada Gradačac.

Dolaskom direktorice pokreće se niz različitih manjih i većih kulturnih dešavanja od projekta Naša djeca, naša radost, Zimske čarolije gdje grad Gradačac prvi puta ima manifestaciju u zimskom periodu, zatim Novogodišnja dječija bajka koja je značajna po uključivanju djece sa posebnim potrebama i djece bez roditeljskog staranja, Zimski bazar za ranjive kategorije. Projektne aktivnosti su nastavljene u 2024. godini gdje se održala Evropska noć muzeja, Ljeto na starom gradu kao sastavni dio Gradačac Festa ljetni festival muzike, filma i pozorišta kako za djecu, mlade i starije generacije.

U prošloj godini pored pokrenutih niza projekata i manifestacija treći put u Gradačcu u okviru Gradačac Festa smo imali reprizu dijela Sarajevo Film Festivala sa najnovijim i prikazanim filmskim ostvarenjima koja su premijerno prikazana u Gradačcu u Gradskoj kino dvorani i održana i u ovoj godini početkom mjeseca septembra.

Nastavljene su redovne pokrenute filmske projekcije sa otvaranjem najnovijih filmskih ostvarenja. Video nadzorom smo pokrili kino i završili u najvećem dijelu opremanje mini galerije/studia i prijemne kancelarije u kinu.

Pretežna djelatnost je informisanje u kojoj je i najveći dio uposlenih.

Pored Radio Gradačca, kao javnog medija, informisanje stanovništva na nivou lokalne zajednice ali i mnogo šire se obavlja putem web portala, te kroz dopisništvo za RTV TK, Radio Federacije i druge medije sa kojima je ostvarena uspješna dugogodišnja saradnja.

## Rad i poslovanje u izvještajnom periodu

### Raspoloživi kapaciteti

Rad u svim djelatnostima se odvijao prema utvrđenom programu rada. Djelatnost informisanja je u potpunosti poštovala pravila propisana dozvolom koju izdaje Regulatorna agencija za komunikacije Bosne i Hercegovine, te usvojenom programskom shemom, u cilju zadovoljenja potreba slušalaca, i dozvolom zadatih pravila. Do kraja 2021.g obnovljena je dozvola od strane Regulatorne agencije gdje je dobijena dozvola za period od 10 godina. Do kraja 2023. ispunili smo i zahtjev od strane Regulatorne agencije za promjenu frekvencije na mikrotalasne linkove, ugasili staro napajanje a prešli na napajanje putem interneta i time ispunili zahtjev RAK-a.

Broj i struktura uposlenih je sljedeća:

Kvalifikacija	2023.	Plan 2024.	2024.
VSS	4	4	4
SSS	7	8	8
VSS po projektu		1	1
<b>Ukupno</b>	11	13	13

Program koji traje 24 sata, web portal, televizijsko dopisništvo i druge oblike plasiranja informacija sa područja Grada Gradačac, sa ovim brojem uposlenika je bilo teško sve obaviti.

Nove informacione tehnologije zahtijevaju i nova znanja, vještine, kreativnost i nove ideje. Na tom planu će se raditi u budućnosti, jer konkurencija na polju informisanja je sve veća, a to područje postaje potpuno neuređeno pojavom društvenih mreža, kao novog oblika informisanja građanstva.

Treba naglasiti da JU Centar za kulturu nema niti jednog zaposlenika za kulturne sadržaje i sve poslove u kulturi je obavlja direktorica sa saradnicima.

Ustanova je uvijek otvorena u skladu sa mogućnostima za prijem pripravnika i volontera na različitim radnim mjestima gdje se može obezbijediti mentorstvo.

## Plaće i naknade

Plaće su izražene u prosječnom iznosu po kvalifikacijama bez minulog rada, uz usvojene koeficijente i obračunsku vrijednost 399,30 KM a od 5 mjeseca i povećanja osnovice na 423,25.

Kvalifikacija	2023.	Plan 2024.	2024.
VSS	1.429,31	1608,00	1608,00
SSS	980,00	1142,00	1142,00
NSS	726,00	845,50	845,50
<b>Prosjek bez minulog rada</b>	<b>1097,25</b>	<b>1377,00</b>	<b>1385,76</b>

Sve plaće sa doprinosima su isplaćene. Koeficijent za isplatu je u skladu sa zahtjevom osnivača i iznosi 399,30 KM a od 5 mjesca 423,25 KM.

Redovna je isplata toplog obroka u iznosu od 13 KM.

Troškovi prevoza se isplaćuju samo za udaljene zaposlenike od radnog mjesta a u skladu sa pravilnikom.

Regres je isplaćen u zakonskom iznosu od 600,00 KM po uposleniku.

## Fizički obim usluga

Ovaj dio izvještaja ćemo razdvojiti prema djelatnostima za koje je ustanova registrovana.

### a) Radio Gradačac

Ostvarenje sati programa prema vrstama u klasifikaciji Regulatorne agencije za komunikacije:

Vrsta programa prema klasifikaciji	broj ostvarenih sati programa		
	2023.	Plan 2024.	2024.
Informativni	3300	3300	3300
Dječiji i omladinski	1020	1020	1020
Obrazovni	290	290	290
Religijski	60	60	60
Sportski	380	380	380
Muzičko-zabavni	3150	3150	3150
Kulturni	320	320	320
Marketing	240	240	240
<b>Ukupno</b>	<b>8760</b>	<b>8760</b>	<b>8760</b>

Broj ostvarenih sati je objektivan. Prekidi programa su bili veoma rijetki i prouzrokovani su uglavnom objektivnim okolnostima. Samostalna proizvodnja programa u ukupnom obimu je 90%, a ostatak je preuzeti program državnih javnih medija.

Nastavljena je saradnja sa svim institucijama. Naročito je obraćena pažnja na direktne kontakte sa Civilnom zaštitom, Crvenim križom, Mjesnim zajednicama, Domom zdravlja, Policijskom upravom, Centrom za mentalno zdravlje, Gradačac i svim drugim institucijama. Nakon dužeg perioda ponovo je uspostavljena zajednička saradnja sa MUP TK, Gradačac gdje svako 15-20 dana u studiju uživo idemo sa načelnikom PU Gradačac te se informišu građani i slušaoci o stanju u gradu Gradačac i preuzetim aktivnostima o sigurnosti građana.

Vrši se neprekidno praćenje rada u obrazovnim, zdravstvenim, komunalnim, vjerskim, bezbjednosnim i kulturnim subjektima u pogledu pravovremenog informisanja građana o svim bitnim segmentima života u lokalnoj zajednici, Tuzlanskom kantonu i šire.

Putem programa vršena je stalna afirmacija svih uspjeha našeg grada u svakom pogledu, te kroz kulturni, obrazovni i omladinski program, neposredna edukacija djece i mladih. Tokom godine je emitovano oko 60 sati sadržaja sa sjednica Gradskog vijeća, čime su naši građani bili neposredno informisani o svemu najznačajnijem iz djelatnosti gradske uprave, a naročito o infrastrukturnim projektima od velikog značaja za našu lokalnu zajednicu.

Obilježeni su svi najznačajniji datumi, praznici i uspjesi. Kroz kontakt programe su aktivno uključivani slušatelji sa svim svojim primjedbama, pritužbama, pohvalama kao i zahtjevima za humanitarnu i svaku drugu pomoć. U 2024. godini održan je serijal radio emisija:

- Omladinska emisija

- Ranjive grupe-cilj i upoznavanje javnosti sa položajem ranjivih grupa u društvu.

Novinari su izvršili zadatke javljanja u program RTV TK i aktivno sedmično učestvovanje u serijalu Ritam kantona. Javljanja se odvijaju jednom sedmično što je oko 50 javljanja godišnje.

Marketing radija je dijelio sudbinu slušanosti, kao i konkurencije drugih radio i tv emitera, kao i reklamnih displeja i reklama na društvenim mrežama. U odnosu na plan za 2024.g. marketing nije ispunjen u predviđenom planu, te su sredstva znatno niža. U narednom periodu se mora pristupiti marketing planiranju i naći način za poboljšanje marketinških aktivnosti što bi u konačnici pospješilo slušanost Radio Gradačca zadržavajući stare a privlačeći nove slušaoce.

## **b) Obrada informacija putem video materijala**

Rad na ovom polju se odvijao uobičajenom dinamikom, uz problem koji je stalan, a to je, da se događaji za televizijsko praćenje odvijaju van redovnog radnog vremena, tako da je neophodno uvijek imati spremnu novinarsku ekipu i snimatelja. Svi zadaci su izvršeni. Tokom 2024. godine je novinarski obrađeno, montirano i na RTV TK emitirano oko 70 priloga. Prilozi su bili uglavnom informativnog karaktera iz svih oblasti života i rada, uz jasnu afirmaciju našeg grada, te informacije plasiramo putem i web portala, gdje objavljujemo i video priloge.

### c) Rad web portala www.radiogradacac.ba

Svojim ozbiljnim pristupom, kao i aktuelnošću, brzinom informacija, naš portal je stekao u prosjeku preko 12 000 posjeta dnevno. Istovremeno, veliko je povećanje i broja slušalaca radija putem našeg portala.

Smatramo da je portal dovoljno informativan, ali u narednom periodu je potrebno izvršiti niz novih radnji, i uložiti dodatna sredstva za njegovo tehničko i vizuelno unaprjeđenje za preglednije objavljivanje multimedijalnih sadržaja (tekst, fotografija, video, ton ...) što bi omogućilo potpunu informiranost svih zainteresovanih.

Nabavkom opreme za terensko snimanje, prenos i emitovanje video i tonskog materijala, omogućen je direktan prenos događaja na portalu.

### d) Kulturni sadržaji i manifestacije

U tabelarnom prikazu ćemo predložiti kulturna događanja i manifestacije, prema obliku, uz brojčani pokazatelj:

Manifestacija	2023.	Plan 2024	2024
„Kikićevo susreti“	održano	održati	održano
Dani komedije	ne	održati	održano
Godišnjica Radio Gradačca	ne	održati	održano
Pozorišne predstave (dječije)	0	održati	održano
Pozorišne predstave (za odrasle)	2	održati	održano
Filmske projekcije	Redovne filmske projekcije u kinu od 21.09.	održati	Održano kroz SFF i nastavljene redovne filmske projekcije
Koncerti	0	održati	održano
Kulturni program u vrijeme Sajma šljive	održano	održati	održano
Evropske «Noći muzeja» maj	1	održati	održano
Zmaj od Bosne scenski performans		održati	održano
Buna i izdaja Zmaja od Bosne			
Zimska čarolija		održati	održano
Novogodišnja dječija bajka		održati	održano
Gradačac Fest		održati	održano

Kulturni događaji su se odvijali na otvorenom, jednim dijelom u zatvorenom prostoru u kino dvorani i to događaji vezani za manifestacije. U 2023. godini otvaranjem multifunkcionalne kino dvorane pokrenute su mnoge kulturne manifestacije i događaji što je dalo sasvim novi sadržaj i obogatilo kulturu u našem gradu. Pored postojećih uvrštene su i druge manifestacije od značaja za grad, kanton i federaciju te su i dobile podršku sa viših nivoa.

21.09.2023. pokrenute su redovne filmske projekcije i nastavljene u 2024. godini.

Ostvarenim rezultatima i finansijskim pokazateljima za kino projekcije od početka prikazivanja, značajan dio sredstava je uložen u kulturna dešavanja u gradu što je bila i obaveza od strane urađenog i implementiranog projekta za digitalizaciju kino opreme. Sve obezbjeđene kulturne manifestacije putem projekata su bile besplatne za građane grada Gradačca i sve one koji su nas posjetili u periodu održavanja. Sredstva od kino ulaznica kao dio obaveze sufinansiranja kulturnih manifestacija po projektima uložena su u projekte, a najveći dio je uložen u Gradačac Fest i to u dijelu scenskog performansa Zmaja od Bosne.

Manifestacija Gradačac Fest je u 2024.godini postala manifestacija od značaja za Vladu Tuzlanskog kantona, a naročito u dijelu koji je podržala za urađeni performans kulturno historijskog naslijeđa grada Gradačac pod nazivom Buna i izdaja Zmaja od Bosne. Gradačac Fest kroz istu manifestaciju i performans podržalo je i Predsjedništvo FBiH, Fondacija za scenske, likovne i muzičke umjetnosti Sarajevo, BKC Sarajevo i Bošnjački kulturni centar.

U 2024.godini urađeno je još dosta toga, obogatile su se nove manifestacije programom i već smo u pregovorima sa institucijama koje će pomoći realizaciju istih, povezali se sa drugim gradovima i državama na polju kulture i kulturnih događaja te zajedničkih realizacija što je učinjeno već.

Pokrenuta je nova manifestacija 1.Dani komedije u Gradačcu te se nadamo da će ista biti i nastavljena u narednom periodu.

Svaki kulturni događaj iziskuje mnogo sredstava koja su svake godine sve manja i vrlo malo se izdvaja generalno u kulturu i kulturni sadržaj na svim nivoima vlasti.

Prvi urađeni scenski performans u JU Centar za kulturu "Ahmed Muradbegović" Gradačac koji njeguje i bitan je ne samo za kulturu, kulturno historijsko naslijeđe već i dijelom turizam je teatarski pokretni performans Zmaj od Bosne-Buna i izdaja Zmaja od Bosne režiran od strane režisera Jasmina Durakovića, po romanu Nedžada Ibrišimovića, produciran od strane direktorice JU Nadire Duraković sa koprodukcijama BKC Sarajevo i Bošnjačka zajednice kulture BiH. Ovaj jedinstveni teatarski performans je premijerno izveden u Gradačcu 11.11.2024.godine. Planirano je da igra i u drugim gradovima Sarajevo, Tuzla, Goražde, Bugojno i ostali gradovi gdje će performans Zmaj od Bosne postati ne samo simbol Gradačca već će zaživjeti kao lik i djelo na svim drugim kulama i mjestima gdje će se igrati u BiH.

Najava svih kulturnih događaja se objavljuje na web stranici JU Centar za kulturu "Ahmed Muradbegović" koja je podržana i realizirana putem projekta Ministarstva za kulturu, sport i mlade TK.

[www.ckahmedmuradbegovic.ba](http://www.ckahmedmuradbegovic.ba)

U 2022.-2023. naročito ističemo obezbjeđenje kroz projekat Kinematografije Sarajevo kino opremu za modernizaciju i digitalizaciju kino dvorane u iznosu od 156.000,00KM uz sufinansiranje Grada Gradačac i ponosni smo jer prvi puta JU Centar za kulturu „Ahmed Muradbegović“ Gradačac dobija jedan ovakav projekat gdje će moći obezbjeđiti premijeru i praćenje filmskih ostvarenja kako iz BiH tako i svijeta.

Planirane aktivnosti na modernizaciji kino dvorane su završene do kraja 2023.godine gdje smo pokrenuli u septembru mjesecu redovne filmske projekcije za sve građane i animirane dječije programe te time oživjeli svakodnevnicu u našoj lokalnoj zajednici i omogućili sugrađanima da nakon 20 i više godina ponovo zaživi grad Gradačac kroz najnovija filmska ostvarenja. Redovne filmske projekcije su nastavljene i u 2024.godini. Nastavakom saradnje sa Mrežom nezavisnih kinoprikazivača BiH, JU će učestvovati i kroz druge projekte nadogradnje tehničke i druge opreme a vezane za filmske projekcije.

#### **e) Zavičajna muzejska zbirka**

Zavičajna muzejska zbirka je svakako jedan vrlo bitan segment kulture sjećanja, vrlo važan čuvar kulturno-historijskog nasljeđa, ali i dopuna turističkoj ponudi grada.

Posjete su bile znatno smanjene, izuzev pojedinačnih posjeta zainteresiranih. Evropska noć muzeja je uspješno realizirana u 2024.godini i obogaćen sadržaj te smo se i ove godine našli na agendi Francuskog ministarstva kulture.

Tokom 2022-2023.godine smo započeli katalogizaciju eksponata na osnovu koje ćemo imati mogućnost izrade prvog digitalnog i štampanog kataloga eksponata sa fotografijama i opisom što će upotpuniti Zavičajnu muzejsku zbirku i svim zainteresiranim pomoći u opisima eksponata, a vezano za one postavke koje ih budu interesirale.

Takođe otvaranjem multifunkcionalne kino dvorane uspostavljamo mini galeriju koja i daje sasvim novi i drugačiji sjaj te opravdava multifunkcionalnost za različite događaje. Mini galerija uz postavke izložbe i eksponata nije u potpunosti realizirana u 2024.godini, jer nisu isplaćena kapitalna sredstva koja su još odobrena u 2023.g.

U narednom periodu do kraja 2025.godine truditi ćemo se urediti Zavičajnu muzejsku zbirku sa novim vitrinama-latičarima i pokušati sačuvati i zaštititi dio eksponata koji još uvijek se deponuje i čuva u kartonskim kutijama.

#### **Finansijski pokazatelji poslovanja ( tabela je u prilogu sa detaljnim Izvještajem )**

Pojašnjenje tebele koja slijedi prema utvrđenoj metodologiji:

- Budžet za 2024. godinu je usvojen. Do 31.12.2024.godine isplaćeno je 11 od predviđenih 12 tranši što se može vidjeti sa kartica i izvještaja, a koje služe za redovno finansiranje plata i naknada JU od strane grada Gradačac.

Ukupan Budžet od strane grada Gradačac za JU Centar za kulturu je bio 382.000,00KM. Mjesečni iznos izdvajanja za plate i doprinose je bio cca 33.000,00KM mjesečno što je nedovoljno bilo za redovno poslovanje JU. Izdavanjem licence Regulatorna agencija je upozorila i dala rok za rješavanje promjene frekvencije na mikrotalasne linkove koji se koriste za programsko napajanje FM predajnika u UHF opsegu 400 MHZ gdje smo uspješno riješili i taj dio zahtjeva Agencije.

Takođe izvršili smo i pokrivanje kamerama Zavičajne muzejske zbirke i dijela zgrade koju koristi JU Centar za kulturu "Ahmed Muradbegović" Gradačac i time smo spriječili otuđivanja eksponata.

Video nadzorom smo pokrili i kino dvoranu zbog nepredviđenih događaja i sprječavanja eventualnih otuđivanja.

- plate i naknade uposlenicima su isplaćene prema Zakonu i Pravilniku o radu ustanove prosječna plata iznosi 1385,76 KM bez minulog rada. Treba se napomenuti da zbog nedovoljno sredstava od preostalih uplaćenih tranši samo za 10. i 11. mjesec za plate i doprinose je doplaćeno za 11 mjesec **8631,00 KM** (uplaćena tranša je 24.478,00KM a plate i doprinosi 33.109,00KM) a za 10.mjesec je doplaćeno **2853,00 KM** (tranša je 30.547,00KM a plata i doprinosi 33.400,00KM) što je veći iznos za 11.484,00 KM gdje su upućeni dopisi u gradsku upravu što se takođe može vidjeti iz poslatih dopisa, izvoda i kartica JU. 12. tranša je uplaćena u 01. mjesecu 2025. god. i za platu za 12. mjesec je doplaćeno **4921,00KM** (uplaćena tranša je 28.512,00KM a za plate i doprinose je uplaćeno 33.433,00KM) što u konačnici iznosi da za tri mjeseca je doplaćeno iz naših sredstava **16.405,00KM**.

- ugovori o djelu se odnose na saradnike angažovane putem projektnih aktivnosti (glumci i pozorišne predstave) u okviru obezbjeđenih projekata. Po projektnim aktivnostima imali smo povećanje ugovora o djelu gdje je bila obaveza JU da plati sve pripadajuće poreze što je i učinjeno.
- materijalni troškovi su premašili plan i u iznosu su ukupno bili 73.240,00KM
- reprezentacija koja se koristi za potrebe JU (sredstva za higijenu, čaj i kafa) zbog povećanja cijena na tržištu premašila je iznos od 713,00KM)
- Neplanirana a ukupno uložena sredstva po projektu SZZZ TK za sufinansiranje djece šehida u plaće i naknade uloženo je od sredstva JU Centar za kulturu ukupno 20.911,91 KM što se može vidjeti u izvještajima i na karticama ustanove
- obaveze kupaca prema JU su 6997,12 KM
- obaveze ustanove prema dobavljačima 2720,00 KM

Naročito ističemo da prema planu 2024. godine uslijed povećanja cijena osnovnih usluga energenata i materijala koji su neophodni za rad naše ustanove je plan premašen u značajnom iznosu što je van naše direktne kontrole i iste su porasle zbog inflacije i globalnih ekonomskih pritisaka. Neki su rezultat planiranih ulaganja u kulturne sadržaje u našem gradu. Neostvareni a planirani iznosi sa viših nivoa u kulturne sadržaje su 14,550 KM kroz projektne planirane aktivnosti.

Svi dobijeni projekti su uspješno završeni kroz izvještavanje i pravdanje dodjeljenih sredstava i ulaganje kroz samofinansiranje od sredstava kino ulaznica.

Takođe zbog promjena u poslovnom okruženju i smanjenog obima korisnika usluga, prihodi od vlastite aktivnosti su manje za cca 10.000,00 KM što pokazuju i zvanični finansijski izvještaji i nisu ostvareni u predviđenom obimu.

Iskazani neraspoređeni višak rashoda nad prihodima je 23.047,44 KM što je rezultiralo svim finansijskim pokazateljima i nedostatnih redstava sa nedovoljno realiziranih i naplaćenih finansijskih sredstava. Dopisi su upućeni nadležnoj službi što je zavedeno i u protokolu.

U narednoj godini nadamo se ostvarenjima prihoda kroz vlastite usluge o čemu treba posebno voditi računa, kulturne sadržaje pokrivati najvećim dijelom iz projektnih aktivnosti i dijelom vlastitog obavezujućeg ulaganja.

KAPITALNA ULAGANJA, koja su predviđena Planom rada ustanove su realizirana dijelom i podržana su od strane budžeta ali još uvijek nisu uplaćena i to kapitalna ulaganja u rekonstrukciju, opremu i namještaj preostalih 10.000,00 KM

- Iz tabele koja je u prilogu se vidi da je Ustanova uložila značajna sredstva i u opremu za Radio Gradačac te time poboljšala rad, realizaciju i emitiranje programa, a obezbjedila bolje i kvalitetnije uslove rada.
- Izvršena je i adaptacija kancelarija direktorice i kancelarije za marketing u zgradi Radija Gradačac.
- Planirana kapitalna ulaganja u rekonstrukciju i uređenje montaže nisu započela jer se čeka uplata odobrenih kapitalnih ulaganja od strane budžeta.
- Važeća dozvola je produžena na još 10 godina za Radio Gradačac od strane Regulatorne agencije za komunikacije Bosne i Hercegovine.
- Ispunjeni su svi zahtjevi prema RAK-u na prelazak mikrotalasne linkove koji se koriste za programsko napajanje FM predajnika u UHF opsegu 400 MHz
- Izvršeno je većim dijelom uređenje mini galerije-studia u kinu
- Postavljen je video nadzor u zgradi kina i oko kina
- Izvršene su sve planirane manifestacije i uvedene nove zajedno sa BKC Tuzla i Ministarstvom za kulturu i sport TK-a, BKC Sarajevo i Bošnjačka zajednica kulture BiH.

## Zaključne napomene

Upravni odbor je održao četiri ( 4 ) sjednice obavljajući poslove iz svoje nadležnosti i rješavajući tekuća pitanja. Treba napomenuti da je UO u starom sazivu održao 4 sjednice a privremeni UO JU je imenovan 27.12.2024.g.koji razmatra izvještaj o radu JU Centra za kulturu, Gradačac za 2024.godinu.

U narednom periodu je neophodno posvetiti posebnu pažnju na sljedeće:

- dalje raditi na kvaliteti programa i slušanosti, kao i poboljšanju marketinga, te time povećati samostalne prihode,
- kako su pokrenute redovne filmske projekcije i obogaćen kulturno umjetnički sadržaj u gradu Gradačac kao i prihod JU Centar za kulturu od kino ulaznica. Isti će se koristiti za razvoj i podršku pozorišnim projekcijama i drugim manifestacijama razvoja kao i dodatne opreme, te služiti za razvoj ustanove što je i obaveza.
- aplicirati na različite projekte u kantonu, FBiH, BiH pa čak povezujući se sa drugim kulturnim centrima i na projekte prekogranične saradnje
- tehničkim, materijalnim i ljudskim resursima unaprijediti sve segmente poslovanja Ustanove
- što više ulagati u edukaciju i razvoj ljudskih resursa u Ustanovi naročito onih mjesta gdje su evidentne stalne zakonske i propisne izmjene

Napomena: Svi detaljni finansijski izvještaji i kartice poslovanja mogu se dostaviti na uvid.

Gradačac, 11.04.2025.

Br. 01-054/25



Direktorica

mr. sc. Nadira Duraković

FINANSIJSKI IZVJEŠTAJ O POSLOVANJU JU CZK "AHMED MURADBEGOVIĆ" GRADAČAC  
U PERIODU OD 01.01–31.12.2024 GODINE

	valuta	2024 godina	PLAN 2024	%
<b>A UKUPNO PRIHODI</b>	KM	<b>456.619,08</b>	<b>447.000,00</b>	<b>102,15</b>
<b>B UKUPNO RASHODI</b>	KM	<b>479.666,52</b>	<b>442.820,00</b>	<b>108,32</b>
<b>Neraspoređen višak prihoda izvještajne godine</b>	KM	<b>-23.047,44</b>	<b>4.180,00</b>	<b>-551,37</b>
<b>A STRUKTURA PRIHODA:</b>				
1 Prihod od vlastite djelatnosti: marketing i F.L. oglasi	KM	16.416,12	20.000,00	82,08
2 Prihod iz budžeta Grada za tekuće poslovanje: tranše	KM	381.521,00	374.000,00	102,01
3 Prihod iz budžeta Grada/ po zaključku i po projektima od kulturnog sadržaja	KM	7.000,00	8.000,00	87,50
4 Samostalni prihod po projektima kulture i informisanja - TK i FBiH	KM	8.450,00	23.000,00	36,74
5 Sredstva SZPP TK po projektu sufinansiranja djece šehidske por.	KM	20.698,59		#DIV/0!
6 Sredstva ZZO TK za refundaciju bolovanja	KM			#DIV/0!
7 Prihod od kino ulaznica, muzejski ulaznica i zakup kino sale=14 046,00-6424,51	KM	7.621,49	22.000,00	34,64
8 Primljeni kapitalni transferi od Grada Gradačac	KM	14.911,88		#DIV/0!
9 Ukinuta rezervisanja za kapitalna ulaganja	KM			#DIV/0!
OSTALO				
<b>A UKUPNO PRIHODI:</b>	<b>KM</b>	<b>456.619,08</b>	<b>447.000,00</b>	<b>102,15</b>
<b>B STRUKTURA RASHODA:</b>				
1 Neto plaće zaposlenim + akontacija poreza na dohodak	KM	216.178,72	193.503,90	111,72
2 Doprinosi na platu: (svi doprinosi na teret zaposlenika i poslodavca)	KM	132.032,63	118.380,10	111,53
3 Naknada za prevoz (koristi 5 radnika)	KM	1.647,50	1.875,00	87,87
4 Naknada za Topli obrok:	KM	38.650,88	38.861,00	99,46
5 Posebna naknade- pomoć po uredbi za 12 radnika *1.260,00 KM	KM			#DIV/0!
6 Ostali troškovi zaposlenih: (regres,nak za sl.smrtr, paketitit)	KM	9.710,00	7.680,00	126,43
7 Dnevnice za službeni put u zemlji, i regiji	KM	400,00	1.500,00	26,67
8 Troškovi prevoza sl.put i korištenje vlastitog auta u poslovne svrhe	KM	1.236,10		#DIV/0!
9 Električna energija:	KM	7.233,55	8.000,00	90,42
10 PTT troškovi i poštarina:	KM	3.217,42	3.500,00	91,93
11 Komunalne usluge:	KM	875,49	1.000,00	87,55
12 Izdaci za usluge ugradnje opreme za osiguranje (kamera i alarma)	KM			#DIV/0!
13 Izdaci za obrazovanje kadrova, zaštita od požara	KM		400,00	0,00
14 Sitan inventar u upotrebi i otpis	KM	381,94	1.000,00	38,19
15 Kancelarijski materijal:	KM	516,58	500,00	103,32
16 Materijal za čišćenje i održavanje čistoće	KM	929,55	500,00	185,91
17 Gorivo za prevoz	KM	110,07	500,00	22,01
18 Troškovi selidbe i premještanje	KM			#DIV/0!
19 Zakup voda Teleskiy najamijivanje opreme	KM	2.550,00		#DIV/0!
20 Troškovi popravke i održavanja opreme: materijal i usluge	KM	862,12	1.000,00	86,21
21 Troškovi održavanja prostorija+zav.muzejska zbirka- zel.površina	KM	184,10		#DIV/0!
22 Osiguranje imovine i zaposlenih	KM	613,28	1.000,00	61,33
23 Usluge platnog prometa i bankarskih usluga:	KM	1.068,31	1.400,00	76,31
24 Plaćanje radiofrekventnog spektra: (RAK)	KM	2.660,00	2.660,00	100,00
25 Naknada za koriš. Autor.prava: -AMUS, AIS, FONOGRAM,	KM	1.052,76	1.240,00	84,90
26 Naknada za održavanje web stranice(Leftor, Hosmedio)	KM	1.235,88	1.300,00	95,07
27 Usluga oglašavanja u javnim medijima	KM	697,32	600,00	116,22
28 Izdaci za informisanje: transparent kopiranje i štampanje, štampanje ulaznica	KM	762,84	500,00	152,57
29 Troškovi reprezentacija:	KM	1.913,40	1.200,00	159,45
30 Ostale stručne usluge, otvaranje posl.godine	KM	117,00	120,00	97,50
31 Usluge stručnog obrazovanja - seminari	KM	465,00	1.500,00	31,00
32 Računovodstvene i pravne usluge: ovjera, prijem	KM	304,00	200,00	152,00
33 Aranžman pozorišta i filmova./trošak održavanja kulturnih sadržaja	KM	600,00	5.000,00	12,00
Izdaci distributerima po obračunu za kino ulaznice 6424,51 storno od prihoda od ul.	KM		12.000,00	0,00
34 Naknada članovima Upravnog Odbora: ASD 1032	KM	1.280,00	2.500,00	51,20
35 Naknada po Ugovoru o djelu za F.L. AUG 1031	KM	30.500,00	700,00	4.357,14
36 Doprinosi po isplati AUG 1031 i ASD 1032	KM	7.075,78	1.300,00	544,29
37 Kamate, kazne,i troškovi advokata i sl.	KM	3,00	200,00	1,50
38 Izdaci po ad.projektima Kantona i Federacije	KM	11.548,70	23.000,00	50,21
39 Izdaci po ad. projektima Grada	KM	910,60	8.000,00	11,38
40 Troškovi administrativnih taksi	KM	142,00	200,00	71,00
41 Otpis nenaplativih potraživanja	KM			#DIV/0!
<b>UKUPNO RASHODI POSLOVNE GODINE:</b>	<b>KM</b>	<b>479.666,52</b>	<b>442.820,00</b>	<b>108,32</b>
<b>42 AMORTIZACIJA (591111)</b>		<b>20.557,38</b>		<b>#DIV/0!</b>
<b>B UKUPNO TROŠKOVI POSLOVNE GODINE: I</b>	<b>KM</b>	<b>500.223,90</b>	<b>442.820,00</b>	<b>112,96</b>

C	Prosječna NETO plata u Ustanovi: broj zaposlenih: 13		1.385,76	1.206,42	
D	FINANSIJSKI PLAN KAPITALNIH IZDATAKA IZVOR FINANSIRANJA				
1	Budžet Grada Gradačac	KM	14.911,88	15.000,00	
2	Prihodi Ustanove	KM	3.159,50	4.000,00	
	UKUPNO:	KM	18.071,38	19.000,00	
KAPITALNI IZDACI (nabavka stalnih sredstava, opreme, rekonstrukcija i investiciono održ.)					
1	Namještaj	KM		6.000,00	
2	Kompjuterska oprema	KM		3.000,00	
3	Oprema za studio/ kino projektor	KM	9.911,88	2.000,00	
4	Predajna oprema, linkovi, antene	KM		1.000,00	
5	Oprema za audio i video snimanje	KM		2.500,00	
6	Inventar za Muzejsku zbirku i galeriju	KM		1.000,00	
7	Uređaji za centralno grijanja i protiv požarnu sigurnost, klima uređaji, ost.opr	KM	3.159,50	1.500,00	
8	Namještaj za osposobljavanje audio-video montaže- Radio Gradačac	KM		2.000,00	
	UKUPNO:	KM	13.071,38	19.000,00	

Broj: 02-027/25  
Gradačac 19.02.2025 g.

Izvršitelj popunila  
Fadila Halilkanović



Direktorica  
Nadira Duraković